

ԵՐՈՒՍԱՂԵՄ 2022, ՀԵՄ ԵՒ ՆՈՅՆ ՄԱՐՏԱՀՐԱՎԵՐՆԵՐԸ

Posted on January 24, 2022 by Keghart



Category: [Opinions](#)



Կը ձօնեմ տիպար ՀԵՄ-ական, Լորոգ հանգուցեալ Վարդան Գահրեճեանի յիշատակին:

Դոկտ. Միլաս Գոճայեան, Լոս Անճելըս, 20 Յունուար 2022

Երուսաղեմի հայ գաղութը կը նմանի ադամանդի՝ փոքր է բայց կարծր, դիմացկուն, գոյնը չի փոխեր: Դպրոցը Լոյն դպրոցն է՝ Սրբոց թարգմանչաց վարժարանը (հիմնուած 1929), բակերը Լոյնն են՝ «Մեծը» եւ «Փոքրը», Լոյն ակումբներն են, Լոյն հոգեւոր Ճեմարանն ու Ընծայարանը, սրբավայրերը, Զրիստոսի ծիթենին, Ս. Յակոբի տաճարը, Ս.

Հրեշտակապետացը եւ Ս. Աստուածածին եկեղեցիները: Այստեղ էին եւ են Ս. Թորոս եկեղեցին եւ համանուն ձեռագրատունը (շուրջ վեց հազար ձեռագիր մատեաններով), «Կիւլպենկեան» արդիական մատենադարանը, հոգեւորականներու կացարանը, տպարանը, լուսարարապետարանն ու վանքաբնակ Սաղիմահայերու քարաշէն եւ ամրակուռ բնակարանները: Այստեղ է նաեւ «Մարտիկեան» շէնքը, որ համբերութեամբ կը սպասէ վերածուիլ թանգարանի...

Երուսաղեմը կը յիշեցնէ Միջին Արեւելքի մեր մանկութեան եւ պատանեկութեան թաղերը, ուր բոլորս հայերէն կը խօսէինք, բացի տարեցներէն, որոնք սկսեր էին շշուկով խօսիլ թրքերէնը, նպարավաճառներն ու փուռերը երկու քայլի վրայ էին, ուր հազիւ քանի մը ինքնաշարժ կը տեսնէինք:

Մեր թաղերուն մէջ, ինչպէս Երուսաղեմ, բոլորս զիրար կը ճանչնայինք, գաղտնիքներ չկային, մեր դրացիներուն տեսչերն ու հոգոցները յայտնի էին բոլորիս, գիտէինք... Լոյնիսկ հարեւաններու հազած կօշիկներուն կամ շապիկներուն համարները...

Այսօր Լոր սերունդին համար մեր պատմածները կը պատկանին հեռաւոր ու տարօրինակ աշխարհի մը՝ կորսուած եւ աներեւակայելի: Չկային կոճակային եւ առցանց խաղեր, քով քովի նստելով հանդերձ իրարու հետ բջջայիններով չէինք կատակեր, այլ պատմութիւններ կը պատմէինք, մեր դիտած ժապաւենները կ'ամփոփէինք:

Երուսաղեմի երկու բակերը տակաւին շատ մը տարրեր կը պարունակեն մեր անցեալի բակերէն, թէեւ հոն խաղցողները «գրագետ» ու բանիմաց են «Լոր խաղալիքներու» եւ նման ժամանցներու:

Սաղիմահայերը մինչեւ այսօր կարօտով կը յիշեն այն տարիները, երբ «հին» կամ «գոց» շուկային մէջ ամեն երեք կրպակէն կամ խանութէն մէկը հայու մը կը պատկաներ, արհեստավարժ լուսանկարիչներու, ոսկերիչներու ու ճենապակիի (ceramics) կիրառական արուեստի ցուցասրահներուն եւ խանութներուն մէջ հայերէն կը խօսէին: Այդ օրերը այսօր կը յիշուին թախիծով ու ափսոսանքով, բայց Հայ Երուսաղեմը տակաւին կ'ապրի ու կը շնչէ հայօրէն: Այդ մասին կասկածողը թող հրամմէ Հայոց թաղը, Սրբոց Յակոբեանց վանքի մետաղեայ ամրակուռ դարպասէն չմտած թող նայի աչ ու

ծախ ԵՆ տեսնէ հայերու անուններով նպարավաճառի խանութ, յուշանուէրներու կեդրոններ ու արհեստանոցներ, իսկ ներսը՝ կամարակապ միջանցքէն անցնելէ ետք, երբ կը բացուի Մեծ բակը, պիտի նկատէ տղաք ու աղջիկներ, որոնք հայերէն լեզուով կը խաղան, պահուըտուքով կը զբաղին, պատմութիւններ կը պատմեն, խումբ մը մարդիկ նստած սուրճ կամ թէյ կ'ըմբռնեն, նարտ կամ թղթախաղով կ'անցընեն իրիկնամուտը, մինչ քանի մը հոգի կը զբաղի բջջայիններու կոճակներով:

Մտէք Հայ Երիտասարդաց Միութեան (ՀԵՄ), Հայ Մարմնամարզական Ընդհանուր Միութեան (ՀՄԸՄ) ԵՆ կամ վանքին անմիջապէս հարեւանութեան մէջ գտնուող «Քաղքցիներու» Բարեկամաց ակումբը ԵՆ դուր միշտ կը նկատէք Լոյն հայր:

Դժբախտաբար այս հազարի հասնող բնակիչներուն մէջ տակաւին կը տիրեն անցած տասնամեակներու կուսակցական գետնի վրայ յառաջացած բաժանումները՝ անջատ հանդէսներ, բարեսիրական նպատակով տօնավաճառներ, զբօսապտոյտներ, երկու անջատ ու մրցակից արի-արեւուշական ջոկատներ, «մերոնք-ձերոնք» հասկացութիւններ ԵՆ կը տպուին երկու, երբեմն երեք տարբեր խմբակցութիւններու պատկանող տարեկան պատի օրացոյցներ...: Բայց երբ հարց մը, ինդիր մը կը վերաբերի համայն հայութեան, այստեղ կը վերանան գրեթէ բոլոր մանր-մուկ կուսակցական-գաղափարախօսական հնաւանդ տարակարծութիւնները:

Այդպէս եղաւ վերջերս, երբ բացայայտուեցաւ «Կովերու պարտեզ» կոչուած տարածքի վարձակալութեան գայթակղութիւնը: Բոլորը իրար էին անցած ու վրդոված, թէեւ բոլոր կողմերուն մէջ ալ կային «չէզոք» մնացողներ, գլուխին օրօրելով իրենց առօրեայ հացին ետեւէն վազողներ: Տարբեր մարդիկ տարբեր հաշիւներ ունին ի հարկէ, սակայն ամէն մարդ ի վերջոյ պատասխան պիտի տայ իր խղճին առջեւ:

Մինչ այս տողերը թուղթին կը յանձնենք, Սադիմահայութիւնն ու Սրբոց Յակոբեանց Միաբանութիւնը կը նշեն Հին տոմարով Ամանորը (Յունուար 14) Ս. Ծննդեան Ճրագալոյցը (Յունուար 18) ԵՆ Ս. Ծնունդն ու Աստուածայայտնութիւնը (Յունուար 19):

«Հակառակ տիրող պայմաններուն ԵՆ ընթացիկ կացութեան, մենք՝ ՀԵՄ-ականներս, մեր պատանիներն ու երիտասարդները բոլորուեցանք ԵՆ Մեծ բակին մէջ տօնախմբեցինք Ճրագալոյցը՝ հին օրերու պէս», կ'ըսէ Յակոբ Ճոնազեան, որ կը մնայ միշտ Լոյն գործօն ու նուիրեալ երիտասարդը:

Այսպիսով պատկերացուցէք դարեր առաջ փայլուն քարերով սալահատուած բակ մը, ուր ծննդեան լոյսերը կ'արձակեն լոյսի ճաճանչներ, շուրջը Ս. Յակոբ տաճարի պարսպանման պատերը, կացարանները, Պատրիարքարանի ԵՆ գրասենեակներու մէկ մասը ԵՆ հսկայ տօնածառ մը լոյսերով պսպղուն: Երկսեռ հայ երիտասարդութիւնը կը սկսի «Տէրունական աղօթքով» ԵՆ կը շարունակուի կարճ, բայց հոգեզմայլ արարողութիւն մը, որմէ ետք կը հաւաքուին ակումբի սրահները ԵՆ, ապա տաճարէն ներս ու կը պատրաստուին դիմաւորել Քրիստոսի Ս. Ծնունդը: Յաջորդ օրը համայնքը

պիտի մեկնի Պերդիեմ հայկական Ս. Ծնունդի պատարագին:

Ո՞ր երկրին մէջ կը տեսնէք այս մթնոլորտը...



ՀՅԴ - Սաղիմահայ երիտասարդներ Սիւնիքի մէջ

Մարտահրաւերները շատ են այս գաղութին, որ եզակի դիրք է կարեւորութիւն ունի ՀԱՄԱՅՆ հայութեան համար: Տասը միլիոն հայութիւն (որուն կեսն անլին հայերն է չի խօսիր եւ կամ շատ ալ տեղեակ չէ իր անցեալէն), որուն մէկ փոքրիկ բեկորը Ս. Տեղեաց մէջ, Զրիստոսի, Աստուածածնի, Առաքեալներու ու Սուրբ Նահատակներու անմիջական հարեւանութեամբ կը դիմաւորէ Ս. Ծնունդը: Շատ քրիստոնէայ հաւաքականութիւններ բարի նախանձով պիտի լեցունին ի տես մեր առաւելութիւններուն:

Մարտահրաւերներ. վերջին տասնամեակներուն զգալիօրէն նօսրացած է գաղութը, բայց մնացածները ամբողջ մկաններով ու ջիղերով կառչած կը մնան իրենց անցեալին ու կալուածներուն՝ ի հեճուկս պետութեան զանազան թաքուն, իսկ երբեմն ալ բացայայտ նկրտումներուն եւ խարդաւանքներուն: Գոյութեանական մեծ վտանգ մը կը սպառնայ հայ եւ միւս քրիստոնէայ համայնքներուն եթէ այս նօսրացումը մագլցում արձանագրէ: Աւելցած են նաեւ Աստուծոյ «կարգ մը սպասաւորներու» առած անխոհեմ եւ անհեռատես քայլերը, ու տակաւին Հայաստանեայց եկեղեցին եւ այլ յարանութիւններ կը շարունակեն ցոյց տալ կրաւորականութիւն եւ անտարբերութիւն: Կարելի է միայն

զարմանալ եւ զայրանալ ի տես սփիւռքի մէջ տիրող անտարբերութեան եւ անհոգութեան հանդէպ մեր սրբավայրերուն, որոնց պահպանութեան համար դարերով զոհողութիւններ կրած են Սաղիմահայերը եւ հաւատացեալները: Հոս պետք է անելոցնեմ Լաւել թէ հիասթափութիւնս անելի խորացած է՝ տեսնելով ոչ միայն Սուրբ Տեղեաց, Սաղիմահայութեան այլեւ մեր հայրենի ժողովուրդին դիմագրաւած ծանր օրերու հանդէպ մեր կառոյցներու, ենթակառոյցներու, կազմակերպութիւններու ցուցաբերած անտարբերութիւնը: Ինչպէս կ'ըսէ մեր պարզ ժողովուրդը ի Հայաստան՝ «երկու կոպէկ դրկելով երկիր չես պահի»...

Տասը միլիոն հայութիւն, որ չի կրնար արժանապատիւ ինքնամք տանիլ ու հոգալ Սուրբ Քաղաքէն ներս մէկ հինգերորդ տարածք զբաղեցնող հայութեան ու Հայաստանեայց եկեղեցւոյ կարիքները:


Տագնապի մէջ կը գտնուի Սաղիմահայութիւնը եւ ամբողջ ազգը. մի՞թէ պետք ունինք Լոր ապացոյցներ ներկայացնելու...

Տեսերիզ [«Սաղիմահայ մանուկներ եւ երիտասարդներ»](#)

Սիրելի ՀԵՄ-ականներ եւ հայրենակիցներ,

2021 տարին շուտով կը մօտենայ իր ավարտին եւ բոլորս միասնաբար կը դիմաւորենք գալիք՝ 2022 Լոր տարին:

2021 թուականը հայ ազգին համար ձեւով մը եղաւ վերականգնումի տարի: Արցախեան 44-օրեայ պատերազմէն ետք, Հայ ազգը աշխարհի տարբեր կողմերէն իր հայեացքն ուղղեց դէպի հայրենիք, մասնաւանդ Արցախ: Միութիւնս անմասն չմնաց Արցախին օգտակար ըլլալու գործին եւ իր կարողութեան ներած չափով մասնակիցը դարձաւ: Լիբանանի մէջ եւս կամաց-կամաց կը փորձեն վերականգնել անցեալի երջանիկ եւ խաղաղ օրերը:



2021-ի աւարտին, կ'ուզեմ արձանագրել, որ շատ ձեռնարկներ միասին կրցանք յաջողցնել, բայց շատ ընելիքներ ալ անկատար մնացին, որոնք պիտի փորձենք կեանքի կոչել 2022 թուականին, դարձեալ ձեր օգնութեամբ: Ինչպէս կ'ըսէ Եղիշէ Չարենց. «Ով հայ ժողովուրդ, քո միակ փրկութիւնը քո միասնական ուժի մէջ է»: Կ'ուզեմ նախորդ տարուան նման այս տարի եւս միասնական ըլլանք, որպէսզի կարողանանք մեր Լոր ձեռնարկներու յաջողութեամբ 2022-ի աւարտին տարին կոչել **յաջողութիւններու տարի**:

Սիրելիներ, այսօր Երուսաղեմը դժուար օրեր կ'ապրի: Բոլորիս յայտնի կացութիւնը ահագանգ մը պիտի ըլլայ մեզի համար, որ Երուսաղեմը մեր օգնութեան կը սպասէ: Թող 2022 թուականը համախմբէ մեզ Հայ Երուսաղեմի շուրջ, որպէսզի դարձեալ միասնաբար կերտենք անոր ապագան՝ ի շահ գալիք սերունդներու:

2022-ի Հոկտեմբերին, Հայ Երիտասարդաց Միութիւնը պիտի տօնախմբէ իր 85 ամեակը: Վարչութիւնս արդէն սկսած է նախապատրասատական աշխատանքներու եւ յույսով ենք որ նախատեսուած բոլոր ծրագիրները կը կարողանանք իրականացնել միասնաբար՝ գործակցելով Երուսաղեմի եւ արտերկրի մէջ բնակող մեր բոլոր անդամ-անդամուհիներուն հետ:

2022-ի առաջին ամիսներուն վարչութիւնը պիտի ներկայացնէ 85-ամեակի տօնախմբութեան առիթով իր նախատեսած բոլոր ծրագիրները:

Սիրելիներ,

Իմ եւ Վարչութեանս կողմէ կը շնորհաւորեմ բոլորիդ Լոր Տարին եւ գալիք Սուրբ Ծնունդը, կը մաղթեմ, որ 2022 թուականը բոլորիս համար ըլլայ խաղաղութեան, հզօրութեան, յաջողութեան տարի մը, որպէսզի կարողանանք համախմբուիլ եւ գործել միասնաբար ի շահ մեր ազգին եւ հայրենիքին:

Շնորհաւոր Լոր Տարի եւ Սուրբ Ծնունդ:

Սարգիս Ճոնազեան

Ատենապետ ՀԵՄ-ի Երուսաղեմ

Երուսաղեմ

Comments



Armenag Derderian – 2022-01-25 17:06:53

Ճիշդ խօսքեր են ընկեր Միւնաս: Երուսաղէմը շատ ծանր օրերէ կ'անցնի, Հայ ազգին օգնութեան կարիքը ունի: